



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՎԱՐՉԱԿԱՆ ԱԿՏ N 1515434

ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

03 մարտի 2022թ.

ք. Երևան
(կազմման վայրը)

Ակտի հասցեատեր

«ԿԱՌՈՄՖԱ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	5	0	1	3	6	6	8
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

ք. Երևան, Արին-Բերդի 14

(անհատ ձեռնարկատիրոջ հաշվառման հասցեն կամ իրավաբանական անձի գրանվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 14.01.2022թ-ի թիվ 1515434 որոշման համաձայն «Կառոմֆա» ՍՊԸ-ի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի շրջանակներում 17.02.2022թ-ին ժամը 15:10-ին, ուսումնասիրության է ենթարկվել ք. Երևան, Արշակունյաց 17ա հասցեում գտնվող «Փեթակ» առևտրի կենտրոնի մոտ կայանված ընկերության աշխատակից՝ Ռուբեն Ղազարյանի կողմից շահագործվող «Ֆորդ Տրանզիտ» մակնիշի 36 FS 267 հաշվառման համարանիշի ավտոմեքենան: Իրականացված ՕՀՄ-ի ընթացքում պարզվել է ընկերության կողմից նշված ավտոմեքենայով ք. Երևան, Արին-Բերդի 14 հասցեից իրականացվել է ընդամենը 636.600 ՀՀ դրամ արժեքով ապրանքների տեղափոխում՝ առանց համապատասխան ուղեկցող փաստաթղթերի, մասնավորապես՝

1. Խուրմա 7 կգ., 17 արկղ*5.800=98.600 ՀՀ դրամ,
2. Խուրմա 4.8 կգ., 10 արկղ*5.800=58.000 ՀՀ դրամ,
3. Խուրմա դեղին գույն 10 կգ., 4 արկղ*6.500=26.000 ՀՀ դրամ,
4. Չամիչ 10 կգ., 14 արկղ*10.000=140.000 ՀՀ դրամ,
5. Գուլակա 20 արկղ*6.800=136.000 ՀՀ դրամ,
6. Ձեռքի կրեմ 12 արկղ*8.500=102.000 ՀՀ դրամ
7. Օճառ 10 արկղ*2.800=28.000 ՀՀ դրամ,
8. Օճառ տնտեսական սպիտակ գույն 5 արկղ*4.800=24.000 ՀՀ դրամ,
9. Օճառ տնտեսական դեղին գույն 5 արկղ*4.800=24.000 ՀՀ դրամ:

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 636.600 ՀՀ դրամ արժողությամբ ապրանքների տեղափոխման համար հարկ վճարողի կողմից 17.02.2022թ-ին ժամը 15:10-ի դրությամբ դուրս գրված չի եղել համապատասխան ուղեկցող փաստաթուղթ:

Վերոգրյալը հաստատվել է նաև ընկերության աշխատակից Ռուբեն Ղազարյանի կողմից 17.02.2022թ-ին տրված գրավոր հայտարարությամբ:

Թիվ 1515434 արձանագրությամբ 18.02.2022թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 28.02.2022թ-ին նշանակված վարչական վարույթի լսումներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, «Կառոմֆա» ՍՊԸ-ի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) տեղափոխումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 2-րդ կետի բ) ենթակետի համաձայն, ըստ որի <<Օպերատիվ-հետախուզական գործունեության մասին>> ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների տեղափոխման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուցեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ խախտման երրորդ և ավելի փաստ արձանագրվելու դեպքում գանձվում է տուգանք՝ անփաստաթուղթ ապրանքների գնի (արժեքի) 200 տոկոսի չափով, բայց ոչ պակաս մեկ միլիոն դրամից:

Տվյալ դեպքում «Կառոմֆա» ՍՊԸ-ի կողմից խախտումը վերջին 1 տարվա ընթացքում կատարվել է երրորդ անգամ (ՀՀ ՊԵԿ իրավաբանական վարչության 12.02.2021թ-ի թիվ 1511548 և 09.11.2021թ-ի թիվ 1514310 վարչական ակտեր): Ապրանքների ընդհանուր գումարը կազմում է 636.600 ՀՀ դրամ, որի 200 տոկոսը կազմում է 1.273.200 ՀՀ դրամ, ուստի օրենսդրական պահանջից ելնելով «Կառոմֆա» ՍՊԸ-ի նկատմամբ կիրառելի է 1.273.200 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և «Կառոմֆա» ՍՊԸ-ին գանձման առաջադրել 1.273.200 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	1.273.200	պետական բյուջե	900008000490

2. Ընդունելի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը



Կ.Տ.

Ստացա ակտի մեկ օրինակը

ընդամենը 3 էջ

տնօրեն Արուսիկա Մորթալերգադեան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով)՝ իրավաբանական անձի գործադիր
մարմնի ղեկավար (գրագրության ընդունման համար
պաշտոնաթանգարան անձ՝ հաշվով առաքման դեպքում)

ստորագրությունը

2022թ.

(նշում ակտը ստորագրելուց և (կամ) ստանալուց հրաժարվելու մասին)